



PREČIŠĆEN TEKST
(„Sl. novine BPK Goražde“, broj: 4/20, 6/20 i 4/21)

Bosna i Hercegovina
Federacija Bosne i Hercegovine
Bosansko-podrinjski kanton Goražde
MINISTARSTVO ZA BORAČKA PITANJA

P R A V I L N I K
O OSTVARIVANJU PRAVA NA JEDNOKRATNU NOVČANU POMOĆ ZA
LIJEČENJE BRANILACA I ČLANOVA NJIHOVIH PORODICA

Goražde, januar 2020.godine

Na osnovu člana 56. i 66. Zakona o organizaciji uprave u Federaciji BiH («Službene novine FBiH» broj: 35/05), člana 10. stav (3) Zakona o pravima demobiliziranih branilaca i članova njihovih porodica („Službene novine Federacije BiH“, broj: 54/19) i člana 11. stav 2. i 3. Zakona o dopunskim pravima branilaca i članova njihovih porodica u Bosansko-podrinjskom kantonu Goražde (“Službene novine Bosansko-podrinjskog kantona Goražde” broj: 9/13, 11/14 i 15/19), Ministar za boračka pitanja Bosansko-podrinjskog kantona Goražde, **d o n o s i**:

P R A V I L N I K

O OSTVARIVANJU PRAVA NA JEDNOKRATNU NOVČANU POMOĆ ZA LIJEČENJE BRANILACA I ČLANOVA NJIHOVIH PORODICA

POGLAVLJE I - OPĆE ODREDBE

Član 1. **(Predmet)**

(1) Ovim Pravilnikom utvrđuju se uslovi, kriteriji i postupak za ostvarivanje prava na jednokratnu novčanu pomoć za liječenje članova porodica šehida, članova porodica poginulih, umrlih i nestalih branilaca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, branioca, demobiliziranih branioca i članova njihovih porodica, članova porodica umrlih demobiliziranih branilaca, dobrovoljaca, organizatora otpora, veterana i ratnih vojnih zarobljenika, kao lica zaslužnih u odbrambeno-oslobodilačkom ratu sa područja Bosansko-podrinjskog kantona Goražde (u daljem tekstu: lica iz člana 1. ovog Pravilnika).

(2) Pravo iz predhodnog stava po ovom Pravilniku mogu ostvariti pripadnici Oružanih snaga, koji su učestvovali u pripremama za odbranu ili u odbrani Bosne i Hercegovine u periodu od 18.09.1991. godine do 22.04.1996. godine, minimalno godinu dana, pod uslovom da ne postoje okolnosti iz člana 36. Zakona o pravima branilaca i članova njihovih porodica (“Službene novine Federacije BiH”, br. 33/04, 56/05, 70/07, 9/10 i 90/17).

(3) Prava iz stava 1. ovog člana ostvaruju se u skladu sa Zakona o dopunskim pravima branilaca i članova njihovih porodica (“Sl. novine BPK Goražde” broj: 9/13, 11/14 i 15/19) (u daljem tekstu: Zakon), ovim Pravilnikom i raspoloživim budžetskim sredstvima.

(4) Pravo na jednokratnu novčanu pomoć za liječenje po ovom Pravilniku ne mogu ostvariti lica iz člana 1. ovog Pravilnika koja u skladu sa Zakonom o pravima demobiliziranih branilaca i članova njihovih porodica (“Sl. novine FBiH” broj: 54/19), isto ostvare iz Budžeta Federacije u tekućoj godini.

Član 2. **(Finansijska sredstva)**

(1) Finansijska sredstva za isplatu jednokratnih novčanih pomoći za lica iz člana 1. ovog Pravilnika, obezbjedit će se u Budžetu Ministarstva za boračka pitanja (u daljem tekstu: Ministarstvo), za tekuću godinu.

(2) Sredstva iz stava (1) ovog člana isplaćivati će se kontinuirano do visine raspoloživih budžetskih sredstava za te namjene u toku godine.

(3) U slučaju kada odobrena budžetska sredstva iz stava 1. ovog člana nisu dostantna za rješavanje svih podnesenih zahtjeva za odobravanje jednokratne novčane pomoći u liječenju za tu budžetsku godinu, iznos jednokratne pomoći u liječenju može biti i niži od iznosa utvrđenim ovim Pravilnikom uz procentualno smanjenje iznosa novčane pomoći do 50%, o čemu odluku donosi Ministar.

POGLAVLJE II - KORISNICI PRAVA

Član 3. (Korisnici prava)

- (1) Pravo na jednokratnu novčanu pomoć za liječenje u smislu ovog Pravilnika, ostvaruju lica iz člana 1. ovog Pravilnika i to za vlastito liječenje ili liječenje članova uže porodice.
- (2) Članovima uže porodice u smislu ovog Pravilnika smatraju se roditelji, bračni partner i djeca koja žive u zajedničkom domaćinstvu do navršene 25. godine života.
- (3) Zahtjev za ostvarivanje prava na jednokratnu novčanu pomoć za liječenje, podnose lica iz člana 1. ovog Pravilnika (u daljem tekstu: podnosilac zahtjeva) za sebe lično ili za užeg člana porodice iz stava 2. ovog člana.

POGLAVLJE III - NAMJENA FINANSIJSKIH SREDSTAVA

Član 4. (Namjena sredstava)

Finansijska sredstva se mogu odobriti podnosiocima zahtjeva i članovima njihovih porodica za jednokratnu novčanu pomoć za liječenje u Bosni i Hercegovini.

Član 5. (Opći uslovi za ostvarivanje prava na jednokratnu novčanu pomoć za liječenje)

Pravo na jednokratnu novčanu pomoć za liječenje, podnosilac zahtjeva može ostvariti pod uslovom da ispunjava sljedeće opće uslove:

- a) ima prijavljeno mjesto prebivališta na području Kantona, odnosno mjesto boravišta u statusu povratnika;
- b) dokaže pripadnost Oružanim snagama u trajanju od najmanje 12 (dvanaest) mjeseci;
- c) priloži odgovarajuću medicinsku dokumentaciju ne stariju od jedne godine od dana podnošenja zahtjeva;
- d) nije ostvario pravo na pomoć za liječenje po istom osnovu prema drugim propisima i drugim nivoima vlasti.

Član 6. (Vrste oboljenja)

- (1) Finansijska sredstva iz člana 2. ovog Pravilnika, mogu se odobriti za pomoć u liječenju oboljenja utvrđenih Listom oboljenja koja se smatra dijelom ovog Pravilnika.
- (2) Jednokratna novčana pomoć za liječenje može se odobriti jednom u toku kalendarske godine za oboljenja, kako slijedi:
 - a) maligni tumori sa metastazom (Carcinoma malignum);
 - b) hronična psihoza (Psychosischronica);
 - c) mentalna retradacija (Retardatio mentalis);
 - d) šizofrenija (Schizophrenia - F 20);
 - e) multipla skelroza (Sclerosis multiplex);
 - f) mijastenija gravis (Myasthenia gravis);
 - g) cerebralna paraliza (Paralyisis cerebrealis);
 - h) nealkoholna ciroza jetre sa trajnim oštećenjem (Cirrhosishepatisnonalcholico);
 - i) sistemski lupus ervthematodes;
 - j) hronična bubrežna insuficijencija koja zahtjeva trajnu dijalizu;

- k) nedostatak ili defekt udova;
- l) transplantacije organa (Transplantatio);
- m) transplantacije koštane srži (Transplantatio medullae ossium).

(3) Za sva preostala oboljenja utvrđena Listom iz stav (1) ovog člana, jednokratna novčana pomoć za liječenje može se odobriti najkasnije u roku jedne godine dana od dana utvrđivanja dijagnoze, ukoliko predmetno pravo nije ostvareno u prethodnom periodu, izuzev slučajeva u kojima je došlo do pogoršanja zdravstvenog stanja, što se dokazuje relevantnom medicinskom dokumentacijom.

Član 7.

(Visina jednokratne novčane pomoći za liječenje)

(1) Za pomoć u liječenju oboljenja iz člana 6. ovog Pravilnika, može se odobriti jednokratna novčana pomoć u visini od 40% prosječne netto plaće isplaćene u Federaciji Bosne i Hercegovine u prethodnoj godini, prema posljednjim podacima Federalnog zavoda za statistiku.

Član 8.

(Odobranje većeg iznosa jednokratne pomoći za liječenje)

Izuzetno, Komisija može dostaviti prijedlog za odobravanje većeg iznosa sredstava za liječenje Ministru uz obrazloženje i prateću dokumentaciju, a ovakav prijedlog prema Vladi Bosansko – podrinjskog kantona Goražde može uputiti i Ministar neposredno, na osnovu saznanja i podataka koja su mu predočena o postojanju zahtjeva takve prirode.

POGLAVLJE IV - OBJAVA JAVNOG POZIVA I POSTUPAK RAZMATRANJA ZAHTJEVA I ODLUČIVANJE

Član 9.

(Objava javnog poziva)

Ministarstvo za boračka pitanja Bosansko-podrinjskog kantona Goražde za svaku godinu, a nakon usvajanja Budžeta Bosansko-podrinjskog kantona Goražde, objavljuje javni poziv za ostvarivanje prava na jednokratnu novčanu pomoć za liječenje branilaca i članova njihovih porodica.

Član 10.

(Podnošenje zahtjeva i potrebna dokumentacija)

(1) Odobravanje finansijskih sredstava iz člana 2. ovog Pravilnika vrši se na osnovu pismenog zahtjeva na obrascu u prilogu ovog Pravilnika.

(2) Zahtjev sa potrebnom dokumentacijom se podnosi Ministarstvu.

(3) Donošenje rješenja o utvrđivanju prava na jednokratnu novčanu pomoć za liječenje, vršiti će se prema posljednjem podatku objavljene prosječne isplaćene netto plaće u Federaciji Bosne i Hercegovine u prethodnoj godini od strane Federalnog zavoda za statistiku.

Član 11.

(Postupak ostvarivanja prava)

(1) Zahtjeve za jednokratnu novčanu pomoć za liječenje razmatra i obrađuje Komisija koju formira Ministar u čijem sastavu je i jedan ljekar, koja, u slučaju kada je zahtjev uredan i potpun, te podnosilac zahtjeva ispunjava uslove za dodjelu jednokratne novčane pomoći uskladu sa Zakonom i ovim Pravilnikom, kompletan spis predmeta dostavlja Ministarstvu koje provodi upravni postupak i donosi rješenje o odobravanju jednokratne pomoći za liječenje.

(2) U postupku donošenja rješenja, ovlaštenu službenik je dužan izvršiti uvid i provjeru u sistemu neoporezivih nadoknada, kako bi se isključila mogućnost da je podnosilac zahtjeva već ostvario pravo na jednokratnu novčanu pomoć za liječenje na drugim nivoima vlasti (općinski i federalni nivo) u

tekućoj godini, te na osnovu priloženih dokaza utvrditi da nije ostvario naknadu za pomoć u liječenju u tekućoj godini po istom osnovu kod svog poslodavca.

(3) Rješenje o odobravanju jednokratne pomoći za liječenje se donosi u 3 (tri) primjerka, pri čemu se po jedan primjerak dostavlja stranci i Ministarstvu za finansije, a jedan primjerak zadržava u arhivi Ministarstva.

(4) Zahtjevi koji su nepotpuni ili ne ispunjavaju uslove iz ovog Pravilnika odbacuju se ili odbijaju posebnim upravnim aktom, u skladu sa odredbama Zakona o upravnom postupku.

(5) Protiv upravnih akata iz stavova (1) i (4) ovog člana može se izjaviti žalba u roku od 15 dana od dana dostavljanja upravnog akta stranci. Žalba se može izjaviti direktno ili putem Ministarstva Vladi Bosansko – podrinjskog kantona Goražde, tj. Komisiji za rješavanje o dopunskim pravima branilaca i članova njihovih porodica u drugom stepenu.

(6) Drugostepena rješenja su konačna u upravnom postupku i protiv istih nije dopuštena žalba, ali se može pokrenuti upravni spor pred nadležnim sudom u roku od 30 dana od dana dostavljanja rješenja stranci.

POGLAVLJE V - NAČIN ISPLATE FINANSIJSKIH SREDSTAVA

Član 12. (Način isplate finansijskih sredstava)

Realizacija odobrenih finansijskih sredstava iz ovog Pravilnika vrši se putem Ministarstva za finansije, a isplata se vrši putem Jedinственog računa.

POGLAVLJE VI-PRELAZNE I ZAVRŠNE ODREDBE

Član 13. (Primjena odredbi drugog zakona)

U postupku za ostvarivanje prava na osnovu ovog Pravilnika, primjenjuju se odredbe Zakona o upravnom postupku ("Službene novine Federacije BiH", broj:2/98 i 48/09), ako ovim Pravilnikom nije drugačije propisano.

Član 14. (Stupanje na snagu i objavljivanje)

Ovaj Pravilnik stupa na snagu danom dobijanja saglasnosti od Vlade Bosansko-podrinjskog kantona Goražde, a naknadno će se objaviti u „Službenim novinama BPK Goražde.

MINISTAR

Edin Aganović

Na ovaj Pravilnik, Vlada Bosansko-podrinjskog kantona Goražde, dala je saglasnost svojim odlukama broj: 03-11- 392/20 od 28.02.2020., 03-11-890/20 od 22.05.2020. i 03-11-564/21 od 08.04.2021.godine.

**LISTA TEŠKIH BOLESTI I TEŠKIH TJELESNIH POVREDA
NA OSNOVU KOJIH SE OSTVARUJE PRAVO NA JEDNOKRATNU NOVČANU POMOĆ ZA
LIJEČENJE BRANILACA I ČLANOVA NJIHOVIH PORODICA**

I - Tumori (prema 10. Međunarodnoj klasifikaciji bolesti):

- maligni tumori (*Carcinoma malignum*) i
- benigni/dobroćudni tumori koji lokalizacijom ili prirodom mogu ugroziti život ili smanjiti funkciju organa ili sistema (*Tumor benignum*).

II - Bolesti krvi, krvotvornog sistema i imunološkog sistema:

- stečena aplazija crvenih krvnih zrnaca,
- nasljedni nedostatak faktora VIII i IX (*Haemophilia A,B*),
- mijelofibroza/mijeloproliferativna oboljenja koštane srži (*Myelofibrosis*) i
- druge bolesti krvi, krvotvornog imunološkog sistema kada ugrožavaju život oboljelog i/ili zahtjevaju dugotrajno i skupo liječenje.

III - Endokrina i metaboličke bolesti:

- šećerna bolest sa jako izraženim komplikacijama: sljepoća, gangrena, bubrežna insuficijencija i dr. (*Diabetes mellitus complicates*),
- poliglandularna disfunkcija,
- poremećaji hipofize koji utiču na rast i razvoj,
- fenilketonurija i
- druge bolesti koje ugrožavaju život oboljelog ili dovode do ozbiljnog funkcionalnog oštećenja ili onesposbljenosti oboljelog.

IV - Duševne bolesti:

- bolesti zbog čije prirode i stanja oboljeli može ugroziti svoj i/ili život drugih lica, oštetiti materijalna dobra, a koje zahtjevaju stalni medikamentozni tretman i kontinuirano praćenje od strane nadležnog psihijatra,
- akutna psihoza (*Psychosis acuta*),
- posttraumatski stresni poremećaj - PTSP (*Neuroses post-traumatic*),
- demencija kod Alzheimerove bolesti (*Dementia Morbus Alzheimer*),
- demencija kod Parkinsonove bolesti (*Dementia Morbus Parkinson*),
- nespecifična demencija (*Dementia non specifica*) i
- autizam (*Autismus*).

V - Neuromišićne bolesti:

- progresivna neuromišićna oboljenja,
- mišićna distrofija (*Dystrophia musculorum*),
- neuropatije (*Neuropathia*),
- miopatije (*Myopathy*),
- epilepsija nekontrolisana ili rezistentna na terapiju,
- nezarazni encefalitis (*Encephalitis non infectious*),
- nezarazni encefalomijelitis (*Encephalomyelitis non infectious*) i
- druga neuromišićna oboljenja koja ugrožavaju život ili pored intenzivnog liječenja dovode do trajnog funkcionalnog oštećenja i onesposboljenja.

VI - Bolesti oka i vidnog živca:

- koje svojom prirodom ili svojim posljedicama dovode do gubitka vida na jednom ili oba oka i
- optički neuritis i drugi poremećaji optičkog nerva i optičkih puteva koji ireverzibilno ugrožavaju vid (*Neuritis n. opticus.*)

VII - Bolesti kardiocirkulatornog sistema:

- reumatska groznica koja obuhvata srce (*Febris rheumaticus*),
- oboljenja zalizaka praćeno popuštanjem srčanog mišića,
- hipertenzivna oboljenja sa popuštanjem srčanog mišića (*Hypertensio arterialis cum insufficientio cordis*),
- hipertenzivna oboljenja bubrega sa renalnom insuficijencijom (*Hypertensio arterialis cum insufficientio renalis*),

- plućna embolija (*Embolia pulmonum*),
- akutni pankarditis (*Pericarditis acuta*),
- subarahnoidalno krvarenje (*Haemorrhagia subarachnoidalis*),
- intracerebralno krvarenje (*Haemorrhagia intracerebralis*),
- infarkt mozga (*Infarctus cerebri*),
- aortalna rascjepljenja (*Aneurisma aorte, Disectio aorte*),
- Wegenerova granulomatoza - zapaljenje krvnih žila (*Wegener granulomatosis*),
- *Enarteritis obliterans* sa uznapredovalim oštećenjem arterijske cirkulacije i
- infarkt miokarda (*Infarctus myocardi*).

VIII - Respiratorne bolesti:

- bolesti pluća praćene trajnim oštećenjem respiratorne funkcije (sa vrijednostima FVC, FEV1 i FEV1-FVC ispod 40%),
- apsces pluća i medijastinuma,
- *piotorax* i
- respiratorni distres sindrom.

IX - Bolesti gastrointestinalnog i hepatobilijarnog trakta:

- teška akutna i hronična stanja gastrointestinalnog trakta koja ugrožavaju život, zahtjevaju dugotrajni tretman ili dugotrajno bolničko liječenje radi održavanja funkcije organa, sistema i cijelog organizma ili spriječavanja trajnog gubitka funkcije organa i
- bolesti jetre različite etiologije sa trajno promjenjenim patološkim nalazima u kliničkom, labaratorijskom i funkcionalnom smislu, a koje zahtjevaju dugotrajno liječenje ili kod kojih je indiciran tretman imunostimulativima.

X - Kožne bolesti:

- ožiljni pemfigoid,
- Sindrom Lyell,
- Sindrom toksične i bakterijske epidermalne nekrolize,
- Sindrom Stevens-Johnson,
- *pioderma gangrenosum* i
- bolesti koje u fazi pogoršavanja ugrožavaju život ili vežu bolesnika za postelju, bitno otežavaju svakodnevno ili onemogućavaju svakodnevno funkcionisanje i onemogućavaju radne aktivnosti.

XI - Sistemske bolesti:

- *poliarteritis nodosa*,
- difuzna sistemska sklerodermija,
- *dermatomyositis* sa *miocarditisom* ili *vasculitisom*,
- Kawasakijev sindrom,
- Sarkoidoza i
- druge bolesti poznate i nepoznate etiologije kada u svojoj akutnoj fazi i fazi pogoršanja ugrožavaju život oboljelog ili dovode do trajnog funkcionalnog oštećenja ili onesposobljenosti oboljelog.

XII - Bolesti koštano-mišićnog sistema i vezivnog tkiva:

- direktna infekcija zglobova kod infektivnih i parazitarne oboljenja,
- seropozitivni reumatoidni artritis kada je bolesnik nesposoban za bilo kakve aktivnosti ili vezan za postelju i invalidiska kolica (*Rheumatoid arthritis seropositiva*),
- ankilozirajući spondilitis (*Ankylosing spondylitis*),
- protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtjevaju intezivan i dugotrajan medicinski tretman (*Protrusio discus intervertebralis*),
- kao i bolesti koje uzroku ozbiljne funkcionalne smetnje lokomotornog aparata, vežu bolesnika za postelju i trajno ga onemogućavaju u svakodnevnim i radnim aktivnostima.

XIII - Bolesti urogenitalnog trakta:

- nefrotski sindrom bilo koje etiologije gdje i pored primjene svih sredstava i metoda liječenja ne dolazi do poboljšanja i bolest brže ili sporije napreduje (*Syndroma nephroticum*),

- upale bubrega praćene bubrežnom insuficijencijom (*Nephritis renalis cum insufficientio renalis*),
- opstruktivna i refluks uropatija i
- druge bolesti koje dovode oštećenja funkcije organa u stepenu da ugrožavaju život ili ga vežu za postelju.

XIV - Kongenitalne malformacije, deformacije i hromozomske abnormalnosti kao:

- kongenitalni hidrocefalus,
- tuberozna skleroza,
- kongenitalne malformacije srca čijom korekcijom se može postići zadovoljavajuća funkcija,
- kongenitalne malformacije digestivnog trakta,
- kongenitalne malformacije polnih organa čijom korekcijom se postiže normalna ili zadovoljavajuća funkcija polnih organa,
- kongenitalne malformacije urinarnog sistema i
- druge kongenitalne malformacije organa čijom korekcijom se postiže normalna ili zadovoljavajuća funkcija polnih organa.

XV - Potreba za korištenjem specifičnih tretmana, procedura ili usluga

Specifična stanja koja zahtjevaju skupi i doživotni tretman kao što su:

- stanja nakon operativnih stanja na srcu, mozgu i plućima koja zahtijevaju duže bolničko liječenje, oporavak i intenzivni medikamentozni tretman.

XVI - Povrede:

- teške tjelesne povrede koje ozbiljno oštećuju zdravlje i uzrok su ozbiljnih oštećenja organa, osjetila i organskih sistema,
- prelom lobanje i kosti lica,
- penetrantne rane očne šupljine sa stranim tijelom ili bez njega,
- intrakranijalna povreda,
- prelom vratne kičme,
- ozlijeda živaca i kičmene moždine u području vrata,
- ozlijede krvnih žila u području vrata,
- zgnječenje („crush“ ozlijeda) vrata,
- prelom torakalne kičme,
- ozljeda živaca i kičmene moždine u području prsnog koša,
- ozlijeda torakalnih krvnih žila,
- ozljeda srca,
- otvorene rane trbušne šupljine, donjeg dijela leđa i zdjelice,
- prelom lumbalne kičme i zdjelice,
- ozlijeda živaca i lumbalnog dijela kraljeznične moždine u području trbušne šupljine, donjeg dijela leđa i zdjelice,
- ozlijeda krvnih žila u području trbušne šupljine, donjeg dijela leđa i zdjelice,
- ozlijeda organa trbušne šupljine,
- traumatska amputacija ramena i nadlaktice,
- ozlijeda živaca u području ramena, nadlaktice i podlaktice,
- traumatska amputacija podlaktice,
- traumatska amputacija ručnog zgloba i šake,
- traumatska amputacija kuka i bedra,
- prelom bedrene kosti,
- traumatska amputacija potkoljenice,
- traumatska amputacija gležnja i stopala,
- prelom koji zahvata više dijelova tijela,
- zgnječenja („crusch“ ozlijede) više dijelova tijela,
- traumatska amputacije koje zahtjevaju više dijelova tijela
- opekotine (*Combustio*):
 - a) srednje teško opečeni-površine opekotine do 40% ili duboke opekotine nefunkcionalnih dijelova tijela do 10% površine,
 - b) teško opečeni-površina opekotine prelazi preko 40% površine tijela ili duboke preko 10%,
 - c) duboke opekotine funkcionalnih dijelova tijela bez obzira na njihovu površinu i
 - d) smrtonosne opekotine-one koje zahvataju površinu tijela veću od 50%.